

**Protocol no. 35****Sezzüda da gövgia, 20 settember 2012, 16.00 – 19.00**

**Preschaints:** Albert Mayer, Andri Poo, Men Caviezel, Dumeng Jann, Marianne Werro-Lehmann ed Angelo Andina (protocol)

**Protocol**

Il protocol nr. 34 vain approvà.

**LEGISLATIVA****dumonda Swisscom; publifon**

La Swisscom propuona al cumün da schoglier las cabinas da telefon pro la posta a Sent ed a Sur En. Quai cun la motivaziun, chi nu gnä plü fat adöver avuonda da quellas. Ella pre-tenda, cha a Sent fan adöver be 2 ed a Sur En 3 persunas l'eivna da las cabinas. Marianne Werro observa però üna frequentaziun bler plü gronda a Sent. Eir in temps da la comunicaziun moderna accumulischan las cabinas ün servezzan public. Il Cussagl decida perquai unanim, da comuinchar a la Swisscom, da na vulair desister da las cabinas. Marianne annunzcha però davo la sezzüda, cha "ils Sur Eners vessen bod plü jent tout davent la cabina". Il Cussagl dess perquai amo revgnir amo üna jada a quist tema.

**PROVEDIMAINTE ELECTRIC****radunanza da delegats CCC/OEE resp. dals proprietaris da l'EE**

La radunanza da delegadas/delegats da la corporaziun dals cumüns concessiunaris da las Ouvras electricas d'Engiadina ha lö in venderdi, als 05 october 2012 a las 13.30 al restaurant Engiadina a Ftan. Davart dal cumün da Sent piglian part il capo el schef dal decasteri Andri Poo.

La prüma radunanda da *proprietaris da la EE Energia Engiadina* ha lö medemamaing als 05 october 2012 a las 14.30 al restaurant Engiadina a Ftan. Eir quia piglian part il capo Albert Mayer ed Andri Poo. I va per tscherner ils commembers da la giunta da direcziun (2-4), dal presidi e dal secretariat. Inavant ston gnir approvats ils statüts da la societä ed i sto gnir decis sur dal sez da la societä. Inavant vegnan tschernüts ils commembers dal cussagl d'administraziun (4-6) e designà il presidi. Reguard il cussagl d'administraziun esa faquint radschunaivel, schi fan part persunas "adattadas", voul dir glieud chi s'inclegia culs affars dal provedimaint electric. Percunter para al Cussagl cumünal da Sent important, cha la giunta da direcziun vain constituida da commembers da tuot ils cumüns pertocs. Eir il secretariat nu sto esser a Scuol. Sen faja, scha'l sez da la societä es a Scuol. Là as rechatta fingià uossa la centrala da l'infrastructura da l'Energia Engiadina. Il Cussagl cumünal da Sent as interessa pel secretariat e pel presidi da la societä "proprietaris da las EE Energia Engiadina".

**FITS PER DRETS DA FABRICA****secziun Heidelberg E.V. proget per renovar l'infrastructura**

Ils respunsabels da la secziun Heidelberg dal club alpin tudais-ch dumondan, scha'l cumün da Sent conceda il permiss per eriger üna lingia da la forza electrica ed üna chnalisaziun illa via champestra chi maina vers il cunfin da l'Austria. I's tratta d'ün traget da var 1,5, km. Pels permiss da fabrica (inclus quel per fabricas dadour la zona) pissera la societä subit

cha'ls drets da passagi etc. sun reglats. La chamonna Heidelberg svesa as rechatta sül terrain dal cumün da Ramosch, il terrain da via pertoc fin pro'l cunfin da l'Austria però es in possess dal cumün da vaschins dal cumün da Sent. Il cumün politic es respunsabel pel permiss da fabrica. Il Cussagl cumünal sustegna l'intent e scriva a la secziun, ch'ella sto pisserar per ün dret da passagi pro'l cumün da vaschins e's metter in colliaziun eir cul cumün da Ramosch.

## **FABRICA**

### **Cla Demonti; implant solar chamonna d'aviöls, parcella nr. 780, Crusch**

l's tratta d'ün intent dadour la zona da fabrica. Perquai faja dabsögn d'ün proceder *fdz* (BAB). Il spejel vain installa sül tet per la producziun d'energia solara. La chamonna es in possess da Jachen Erni ed es gnüda eretta cun dret da fabrica. L'acconsentimaint dal proprietari dal terrain es avant man. Il Cussagl decida, da trametter la actas a Cuaira culla racumandaziun da far bun il projet.

## **FABRICA**

### **Cumün politic da Sent, chava da glera Tramb lai**

Davo avair fat provas da material da seis temp tras l'ingenier forestal circuitual 25, Lüzza Rauch, vaiva il cumün da Sent tschüff l'acconsentimaint dal Chantun per pudair explottar la glera da la bouda Tramb lai per realisar e sanar vias da god sül territori dal cumün da Sent. Ils ultims ons esa adüna darcheu gnü fat adöver da la chava da glera Plan da Chavas. Plüs pogets sun gnüts realisats ils ultims ons cun da quella glera. Quist on per exaimel eir il projet SIE-Tramb lai 2012, e la via da god Jürada.

Uossa pretenda l'uffizi chantunal per la protecziun da l'ambiant ün permiss da fabrica e'l proceder per fabricar dadour la zona BAB per cha'l cumün po manar inavant la chava. Per intant resta la chava da glera serrada. Il Cussagl cumünal decida, dad inviar las actas al Chantun cun l'arcumandaziun da pudair manar inavant la chava.

## **FABRICA**

### **E. Oes / H. Schär, fouras pel s-chodamaint geotermic**

Sonda da terra 1 x 100 m, i'l nord ost da la parcella nr. 610, coordinatas 821'225 / 189'392. Il permiss dal Chantun es avant man. Il projet d'eira publichà dals 18.09. fin als 08.10.2012. Il Cussagl conceda il permiss.

## **FABRICA**

### **W. Gerber / C. Binder: parcella 542 Palüsot, fanestra**

Ingrondimaint da la fanestra vers vest, chadafö nouva e renovaziun dal bogh. La cumünanza da proprietari da condomini ha concedü il permiss. Las actas relativas as rechattan pro'l büro fiduziari Lischana Fiduziari. Il Cussagl conceda il permiss per manar tras las lavurs tenor ils plans inoltrats.

## **FABRICA**

### **Not Vital, atelier; parcella nr. 545, Prà Grond**

Atelier futuristic per pitturar. Il concept es ün crap chi'd es croudà sül lö. Trais fanestras vers nord. Suotteran ün local da tualetta. S-chodamaint «termo». La cumprova d'energia es avant man. Il projet es stat publichà dals 03.08. fin als 23.08.2012. I nu sun entradas ingünas reclamaziuns. La parcella as rechatta illa zona maisdada abitar/mansteranza. Causa chi's tratta d'ün projet insolit, ha la cumischiun da fabrica pretais 2 expertisas. L'architect Renato Maurizio e'l cussgliader Orlando Menghini sun da l'avis, cha'l fabricat correspuonda a la ledscha da fabrica e ch'el s'integrescha illa cuntrada.

Il Cussagl va in princip daperüna cul proget. Avant co conceder il permiss ston però gnir ac-  
cumplidas amo ün pêr pretaisas da la ledscha da fabrica.

## **VIAS E PLAZZAS**

### **surdatta lavurs d'impressari mürs da sustegn Pradè**

Per refer ils mürs da sustegn da la via pro la chasa da scoula surdà il Cussagl las lavurs da mantegnimaint a la Firma Fabio Bau, Sent. L'offerta importa Fr. 38'872.95.

## **DIVERSAS SCHEFS**

### 1. vierchel dal tombin da sauaziun in Surains

Il vierchel resp. il tombin vain donagià l'inviern da las maschinas per far pistas. Tenor Jürg Kindschi es il temp da garanzia scrodà, eir nun esa pussibel da far valair indemnisa-  
ziuns invers las Pendicularas Motta Naluns. Men Caviezel sclerischa ils cuosts per cu-  
madar ils dons.

### 2. chamonna Chavriz Grond

Vi da la chamonna ston gnir fattas diversas lavurs da mantegnimaint. Nouv fuond da lain  
cun fundamainta da beton. L'offerta dal falegnam Andri Taverna prevezza cuosts da fr.  
5'604.00. El es ün dals fittadins da la chamonna. Sco practichà pro otras chamonnas  
pretenda il Cussagl eir quia lavur voluntaria dals fittadins da ca. 30% dals cuosts totals.  
Men Caviezel vain incumbenzà, da far a savair quai als fittadins.

## **1**

## **ORIENTAZIUNS**

1. **Allianza illas Alps:** Men Caviezel e Jon Carl Rauch sun stats a las radunanza ge-  
nerala naziunala ed internaziunala, chi han gnü lö als 07.09.2012 a Poschiavo.  
Subit cha'ls protocols sun avant man, vegnan quels scumpartits als commembers  
dal Cussagl. Las radunanzas han gnü lö i'l rom da la "AlpWeek – Renewable Alps".  
Infuormaziuns in merit: [www.cipra.org](http://www.cipra.org). In seguit ün pitschen riassunt da la radu-  
nanza naziunala: Rapport president: La finanziaziun da l'AIDA CH es gnüda müda-  
da dad üna contribuziun pauschala da l'ARE sül sistem da sustegner progets. Per  
la cussagliaziun dals cumüns tras il cussgliader da la SAB, Peter Niederer, restan  
in avegnir damain mezs. La suprastanza as sfadia da pudair spordscher inavant  
quel service sco fin uossa. I vegnan preschentats 5 progets chi sun gnüts realisats  
o inviats cun sustegn da l'Allianza. 3 da quels (ün in Val Lumnezia GR) han sco  
basa la tematica "clima ed energia", ün s'occupa cul svilup dad ün cumünet pi-  
tschen (Blatten VS) ed implü s'haja manà tras ün seminar cul tema "Wohnen im  
Alter" per pussibiltar da viver al lö a gliעד attempada. Il commember da la supra-  
stanza Gerard Morard (president da St. Martin) ha demischiunà ed in sia piazza es  
gnü elet il gischunais Thomas Buchli da Tenna. Per la suprastanza vegnan amo  
tscherchats rapreschantants da la Svizra francesa e tagliana. Als 26.10.2012 varà  
lö ün workshop cul tema "Breitbandkommunikation in Periferen Lagen". La radu-  
nanza AIDA CH sarà l'on chi vain fingià in prümavaira. Implü esa previs da manar  
tras dal 2013 ün Workshop cul tema seguondas abitaziuns.
2. punts penduossas Val Sinestra /Zuort  
Cun charta dals 12.09.2012 comunichescha il cumün da Valsot, da's partecipar vi  
dals cuosts per ün proget preliminar cun üna pauschala da fr. 5'000.00.

l'actuar ad hoc:

